

PwDs dak sendakba nung awareness sentong agi



Dimapur, Aami/June 22 (TYO): Mokokchung District Disabled Forum (MDDF)-i ayongzüka, Person with Disabilities (PwDs) dak sendakba nung awareness sentong ka ayongzüka agiogo. Iba sentong ayongzüka agitsü atema Office of the State Commissioner for Person with Disabilities, Nagaland-i teyari agüja liasü.

Awareness sentong ya Senden Salang, Kobulong, Mokokchung nung June 15 nü agia liasü.

Iba sentong ya Sungjemrenba, Ass. Pastor Youth Mopungchuket Baptist Church lenisüba nung agi aser O. Alang, Pastor Kobulong Baptist Church-i Tsüingrem temaotsü

meshizüka sarasadema liasü.

Sentong nung Project Associate, Community Based Rehabilitation (CBR) Caritas India Arenlila Jamir-i lokti pela agizükba o jembi aser Seyevilie Pfkuri, EAC Kobulong aser Imliyanger, CDPO Kobulong natia o tatsütsü jembi. Tenati stakeholder aser sentong nung shilem agirtem dang Person with Disabilities (PwDs) dak sendakba ken o tem süoki ia agitsü aser iba den PwDs temi kechi nungdaker aser parnok atema tetsükdaktsütem kechi ali aji jangja parnok temaba jenjangi ajungkettsü ajungshia liasü.

Sentong nung shisalen agütsürji Senior Executive NSDF Kezhaletto Zecho aser Joint Secretary NSDF

Ngaugongbe na liasü. Tenati Rights of Person with Disabilities Act 2016, dak ajemdaker tangazükba balala agüja liasü.

Sentong nungsa MDDF tir Imkongnungchet Kichu-i Disable People's Organization (DPO's) jenjang aser inyakyim indang lemsatop aser Village council, Arogo aser nüburtem dang PwDs tem ajungkettsü atema takokba tashi teyari agütsütsü ajungshia liasü.

Iba sentong nung Arogo lenirtem, Anganwadi Workers, Asha Workers, Village Council züngsemtem, school tesayurtem, PwDs aser parnok tsürapurtemi shilem agia liasü. Ajak senteper iba sentong nung nisung 98-i shilem agi kong PwDs 18 densema liasü.

KPC office APO Bldg-i belenogo

Dimapur, Aami/June 22 (TYO): Kohima Press Club (KPC) indang office Phoolbari, Kohima nung Angami Public Organization (APO) Building, Room No. 38-i belenogo. Anungji KPC den tongtep rateptsü atema iba address ya amshitsüla.

APO tir Razouvotuo

Chatsu aser külem tenzükertemi linük yimtiba nung Press fraternity nungdak angateta community complex nung office amenoktsü asoshi takdang agütsüba atema KPC-i kanga pelaba lemsatopa liasü.

KPC-isa, office tasenba inyaksangshia aotsü atema

osettsüt aser mapang agütsüba asoshi DPRO Kohima Ruopfulenuo H Mepfhuo aser Press Club züngsemtem dang kanga pelaba lemsatopogo, ta KPC tir Alice Yhoshü aser General Secretary Atono Tsükrü Kense nati sangdong ka ajanga lemsatop.

GOVERNMENT OF NAGALAND DIRECTORATE OF HIGHER EDUCATION NAGALAND: KOHIMA

NO.HED/SCHO/2022-23/683

Dated, Kohima, the 22nd, June 2023

NOTIFICATION ON REVISED GUIDELINES FOR POST MATRIC SCHOLARSHIP FOR ST STUDENTS

The Scheme Implementing Agency is hereby highlighting some of the changes that have been done by the Funding Agency. Students, Educational Institutions and Hostels that deals with Post Matric Scholarship for ST students are to take note of the following Changes:

FOR STUDENTS

1. The Ministry of Tribal Affairs has come out with the revised guidelines for implementation with immediate effect.
2. The family annual income ceiling from all sources remains the same as ₹2.50 lakh per annum.
3. The Obligatory fee and Stipend (maintenance fee) remains the same for all the categories but for disable students, the stipend has been enhanced to ₹.7200 for day scholar and ₹.9600 for hosteller (annually).

FOR EDUCATIONAL INSTITUTIONS

1. All Educational Institutions within and outside the State and of both Govt. and private have to be empanelled with the Scheme Implementing Agency in order to let the deserving students avail the ST Scholarship without which no Scholarship can be awarded. To empanel with the Scheme Implementing Agency, Institutions are required to furnish the necessary details like Registration, affiliation, accreditation, courses offered and number of seats approved for each course. For this, the Scheme Implementing Agency has come out with a readymade format to be filled by the Educational Institutions within Nagaland which is available in the Directorate's website.
2. Institutions within the State will maintain hard/physical copies submitted by the students/applicants for safe custody.
3. It is mandatory for all Educational Institutions to nominate one Nodal Officer to correspond with the Scheme Implementing Agency for better coordination and effective implementation of the Scheme.

FOR HOSTELS

1. The term 'Hostel' is applicable to a common residential building and a common mess for the students runs under the supervision of the Educational Institution Authorities but if the Institutions are unable to provide accommodation within the Institute run hostels for their students, an approved place of residence can also be treated as Hostel for the purpose of this Scheme.

For this, the Scheme Implementing Agency has come out with a readymade format to be filled by the warden/proprietor in order to claim hostel form (Without which no hostel form will be issued). Therefore, all the Hostels that are registered under our establishment are directed to take note of this in order to claim hostel form. The format is available in the directorate's website.

The revised guidelines can also be viewed in the Directorate's website i.e. www.highereducation.nagaland.gov.in. The revised guideline will apply prospectively from the Academic Session 2023-24.

Sd/-
DIRECTOR
HIGHER EDUCATION
NAGALAND : KOHIMA

Kohima nung workshop den repsema training sentong ka ayongzüka agi

Dimapur, Aami/June 22 (TYO): Housing & Buildings Construction Statistics dak sendakba nung Arunachal Pradesh, Manipur aser Nagaland state atema Workshop den repsema Training Orientation sentong ka June 22 nü Conference Hall, Directorate of Economics and Statistics, Kohima nung agiogo.

Iba sentong ya Directorate of Economics and Statistics, Nagaland aser National Building Organization, Ministry of Housing & Urban Affairs, GoI na longjemmer ayongzüka agiogo.

Sentong nung o jembiba mapang Secretary, Economics & Statistics, Mohammed Ali Shihab-i, kidanger state tem den külemi iba amala workshop, orientation aser training sentong ya khen khen dang agir ta shia sentong nung shilem agirtem ajak dang iba maongka agitsü ajungshia.

India nüjiso ngur küm 100 2047 küm ajungtsü aser developed country ka ta sangdongtsü sentong lir, ajisüka lisopurtem yimdakyimtsü nungi jila balalai telongjunga aoba ajanga urbanization kanga kara odar aser iba ya nükjidong ataloktsü atema tetsükdaktsüka, koba asoshi police tetangshi nungdaker, ta pai ashi. Linük

nung state tem liromedema renloka maer aser tanga state nung koda renlok aoer aji angatetsü atema shisatsü nungdaker aser Central Nodal Agency ama NBO-i ken o jangjatsü nungdaker, ta paisa shisem.

Shihab-isa, takok angutsü atema ABC (Awareness, Belief aser Commitment) dak ajemdaker logic dak keta lir aser iba workshop ayongzüka agiba nükjidongji külemi longjemmer inyakba ajanga tangatetba tajung ka adokdaktsütsü asoshi lir, ta ashi.

Kasa mapang nung Joint Director, NBO, Ministry of Housing & Urban Affairs, GoI, Basudeb Das-i, building materials indang statistics bendentsü asoshi NBO inyakyim, shilem aser khuretem indang tatongi lemsatopa liasü. Paisa, NBO ya building material statics indang custodian lir ta ashi.

State nung kisütsü atema ali agi anungba ya tebilemstü ka lir ta shia pai practical data bendentsü kanga tongtibang ta ashi.

Sentong nung Director, Directorate of Economics and Statistics, Nagaland Neidilhou Angami-i lokti pela agizükba o jembi aser Addl. Director & Workshop coordinator, Neisatuo Puro-i tepela o jembia liasü.

Dimapur nung Job Fair ka ayongzüka agiogo



Dimapur, Aami/June 22 (TYO): District employment exchange, Dimapur aser National Career Service Centre for Differently Abled-Dimapur na longjemmer National Career Services Center SC/ST Kohima atema June 22 nü Purana Bazaar Dimapur nung Job fair ka ayongzüka agiogo.

Job fair nükjidongji mapa mongui alirtem nem mapa inyaktsü atema maongka agütsütsü asoshi liasü.

Iba sentong nung item lokti tentetemi shilem agia liasü:

1. Emporium Skills Training Institute - Aviation & Hospitality
2. Talent Acquaintance - Service - 150 Vacancies
3. Nagaland Total Room & Training Centre (NTTC) - Manufacturing - 1000 nos
4. Gogives Recruitment Agency - Hospitality - 15 nos Vacancies.
5. SBI life-Banking - Advisor/ Development - Advisor 50 nos & Manager - 4 nos

Vacancies.

Job fair nükjidongji employer tem aser mapa bushirtem mapa inyaktsü atema maongka agütsütsü asoshi sabang ka nung ajurutepdaktsütsü atema lir, aser talisa SC/ST candidate tem aser Nagaland nung aliba Differently Abled Persons tem atema liasü.

Sentong ayongertemisa Job Fair nung shilem agir ajak nem kecha tebandang makai pei career atema lenmang sayuba den tajangzük akaba mapang inyaktsü atema tangazükba agüja liasü.

National Career Service Centre for SC/ST Kohima, District Employment Exchange Dimapur aser National Career Service Centre for Differently Abled-Dimapur nati iba Jobe Fair ajanga ajak nem kasa maongka agüja ajangzükdaktsütsü asoshi bendanga agütsür lir.

Iba osang agütsüba mapang tashi nung mapa bushir parnok 233 shi züngoksemer liasü, ta sangdong ajanga metetdaktsü.

**GOVERNMENT OF NAGALAND
DEPARTMENT OF ANIMAL HUSBANDRY & VETERINARY SERVICES
NAGALAND : KOHIMA**

NO.VETY/ WWD-1/2020-21

Dated Kohima, the 22nd June 2023


ADVERTISEMENT

Inviting interested women from any Self Help Group (SHG) or individual farmers with minimally literate read up to class 5 or above residing in and around the following below mentioned area/village/town under the respective district for undergoing **04 (four) days** Training on **"Improved Piggery and Poultry farming"** sponsored by National Commission for Women (NCW), New Delhi.

Interested farmers can contact respective district Chief Veterinary Officer (CVO) with a Xerox copy of Aadhar card/ voter ID as address proof.

District	Area/village/Town	Tentative Date	Contact No.
Kohima	Jakhama	4 th - 7 th July	9436075163
Peren	Jalukie	12 th - 15 th July	9366619660 / 8415092640
Phek	Pfutsero	18 th - 21 st July	9612807792
Niuland	Niuland Headquarter	24 th - 27 th July	9862838800
Chumoukedima	Chumoukedima	25 th - 28 th July	9436015840
Tseminyu	Tseminyu	26 th - 29 th July	8729935905

(DR. N. ThungbenYanthan)
Additional Director
A.H. & Veterinary Services
Nagaland : Kohima



June 22, 2023 nü Washington nung US Tir, Joe Biden aser pa kinüngtsü, Jill Biden nati White House nung India Ato kilonser, Narendra Modi agizükdang tangokba noksa nung angur.

India nung raraba tayimtsü gol yanglutsü atema tezüngzüktep agi

Washington, June 22 (Agencies): Brihostibarnü Washington nung India Ato kilonser, Narendra Modi-i General Electric chairman, H Lawrence Culp ajurua senden amemba sülen Indian Air Force atema raraba tayimtsü gol India nung yanglutsü atema General Electric-i Hindustan Aeronautics Limited (HAL) den tezüngzüktep ka agiogo.

General Electric Aerospace-i sangdong ka ajanga, tezüngzüktep agiba nungji GE aser HAL nati senteper India nung GE Aerospace indang F414 gol yanglutsü densema lir, aser iba atemaji temelaba agitsü atema GE Aerospace-i US sorkar den maneni inyaktsü, ta metetdaksü.

GE Aerospace-i twitter

ajanga sangdong ka nung, Indian Air Force atema raraba tayimtsü gol yanglutsü asoshi parnoki Hindustan Aeronautics Limited (HAL) den Memorandum of Understanding (MOU) ka sign süogo, ta metetdaksü.

GE Aerospace-isa, "Ato kilonser Modi-i US semdangba mapang Memorandum of Understanding (MoU) sign asüba ya tongti alizüng ka lir, aser iba ya ajanga linük ana tsüngda defence tsütsü amalitepa inyakba tashi itshtsü," ta metetdaksü.

India nung F404 gol aketba Light Combat Aircraft yanglutsü atema 1989 küm nungi GE-i Aeronautical Development Agency aser HAL den külemi inyaker.

Patna nung ayongzükbä opposition senden nung madentsü: Mayawati

Lucknow, June 22 (Agencies): June 23 nü Bihar yimtiba, Patna nung opposition party tem senden nung BSP-i madentsü, ta Brihostibarnü Bahujan Samaj Party (BSP) Tir aser taoba mapang Uttar Pradesh Chief Minister, Mayawati-i metetdaksü.

Bihar Chief Minister aser JD(U) tongti lenir, Nitish Kumar-i ayongzükbä senden nungji Congress lenir Rahul Gandhi, West Bengal chief minister Mamata Banerjee, Tamil Nadu chief minister M K Stalin, NCP Tir Sharad Pawar, PDP lenir Mehbooba Mufti, Jharkhand chief minister Hemant Soren aser Delhi Chief Minister Arvind Kejriwal nunger adentsü.

Mayawati-i, 2024 küm Lok Sabha election jakdang opposition-i tebilemstü onüktem benoker aser asüng Nitish Kumar-i Patna nung ayongzükbä senden ya 'temelungjang masü saka teka amtepba' amai dang lir, ta ashi.

Mayawati-i, "Osettsüset jenjang atuba, sensak tia, mapa manguba tebilemstü,

tesülen astüngzükbä, kin nung ajemdaker tesembatep aser yimsü nung ajemdaker raraba tebilemstü balala aliba ajanga timtemba linük ka nung BR Ambedkar-i yangluba temzüngtem benoktsü atema Congress aser BJP ama party tem metemstü," ta aitsü.

"2024 Lok Sabha election temelungjang nung yur teloktep atema renemstü jelia item party tem tangatetba aser nükjidongtem tamasa jangjaba tajungba süla. Uttar Pradesh nung Lok Sabha menden 80 ji kanga tongtibang, ajisüaka opposition party temi tongtibang masü ama bilemer ama repringteter," ta lai twitter ajanga metetdaksü.

June 21, 2023 nüa Mayawati-i sangdong ka ajanga BJP aitsü aser BSP-i tanga Opposition party tem inyaksangshiji repringa dang atadar, ta metetdakja liasü.

"Taruba Lok Sabha election atema terenemshiba report tejangja anguba sülen nüngdakba tetuyuba kar agütsüogo. Iba dak sendakba nung, BJP aser Central

sorkar inyakyim nung ajemdaker opposition party temi yimtenren tensa atema inyakbaji onoki mita dang repringdar," ta laisa metetdaksü.

Lok Sabha election jakdang BJP anema opposition party tem longjemtsü nükjidong nung JD(U) tongti lenir, Nitish Kumar-i June 23 nü opposition party tem senden ayongzüka lir.

Amit Shah-i Manipur tensa atema June 24 nü party ajak senden ayonger

New Delhi, June 22 (Agencies): Manipur tensa atema jembitsü asoshi Union Home Minister, Amit Shah-i June 24 nü New Delhi nung party ajak senden ka ayongzüko.

Taoba ita May 3 nungi tenzüka Manipur nung rara adokba sülen tang tashi nung nisung 110 asüba den kiojen aika raksago aser nisung meyrjang aika jenshiogo.

Ministry of Home Affairs-i twitter ajanga, "Union Home Minister Shri @AmitShah-i Manipur tensa atema jembitsü asoshi June 24 nü nikongdang 3:00 ako nungi party ajak senden ka ayongzüko," ta metetdaksü.

Bodhbarnü New Delhi nung Assam Chief Minister Himanta Biswa Sarma-i Amit Shah ajuruba sülen Home Affairs Ministry-i party ajak senden ayongba osang ya metetdaksü.

Sarma ya NDA Northeast chapter NEDA (North-East Democratic Alliance) nunga convenor lir. Pai-a June 10 nü Imphal semdanga Manipur Chief Minister N Biren Singh ajurua liasü.

Manipur tensa atema Ato kilonser, Narendra Modi-i tang tashi ola madokba atema opposition party temi sorkar maneni aitsüdar. Bodhbarnü

UPA chairperson, Sonia Gandhi-i, Manipur nung rara ajanga zübo tulu kettsüogo, ta metetdaksü.

Ketdangser kati ashiba agi, Shah-i ayongzükbä sendenji Parliament Library building nung amentsüa akok, aser iba senden nungji sorkari opposition lenirtem dang Manipur nung rara anentsü atema asalentong metetdaksütsü.

May 29 nungi anogo pezü tashi Amit Shah-i Manipur semdanga relief camps nung jenoka alir Meitei aser Kuki nunger naprongla ajurua liasü.



June 22, 2023 nü General Zorawar Singh Auditorium, Jammu nung University of Jammu convocation sentong nung linük tatong Tir, Jagdeep Dhankhar-i kaketshir ka nem degree agütsüdag tangokba noksa nung angur. Kasa noksa nung Jammu & Kashmir Lt Governor, Manoj Sinha-a angur.

SBI State Bank of India
STRESSED ASSETS RECOVERY BRANCH, JORHAT
Na-Ali, M G Road, Jorhat, Opp. ASEB Building, PIN-785001 (Assam)
Tel No : 0376-2300193 / 2300204

[Rule - 8(1)]
KIOJEN AGIBA NOTICE
Securitisation and Reconstruction of Financial Assets and Enforcement of Security Interest Act, 2002 aser Security Interest (Enforcement) Rules 2002 kübok section 13(12) aser Rule 3 nung agüja aliba tashi amshia tsünglanglen sign süa aliba State Bank of India nung Authorised officer-i 30.03.2023 anogo nung Demand Notice ka ajanga sen apur Shri Namdodi Rangkau Zeliang, Proprietor of M/S Eastern Enterprise and Sons aser Smt. Heilam Zeliang, Guarantor of M/S Eastern Enterprise and Sons dang notice agütsüba sülen anogo 60 tsüngda notice nung shia aliba ama Rs. 2,11,25,425.65/- (Rupees Two Crores Eleven lacs Twenty Five thousand Four hundred twenty Five and Sixty Five paise only) agüjang, ta tuyua liasü.
Sen apuri senji magütsüet, anungji sen apur/Guarantor aser public dang, tsünglanglen sign süa aliri iba Act kübok Section 13(4) aser Rule 8 nung pa/la nem aüja aliba tashi amshia 2023 küm June 22 nü tsünglanglen shia aliba kiojen agiadokogo, ta sangdonger. Talisa sen apur/Guarantor aser public dang, iba kiojen dak sendakba kecha inyaksangshi masütsü tekümdangtsü metetdaksür, mesüra State Bank of India nem Rs.2,11,25,425.65/- den külemi 31.03.2023 anogo nungi sen tetemlok agütsütsüsa akümtsü.
Iba Act nung section 13 kübok sub-section (8) nung shia aliba ama sen apur dang mapang shidak nung kiojenji alangzüktü metetdaksür.
Kiojen osang tejangja
Block No 11, Mouza no 1, Ward no 4, Walford Colony, Burma Camp, Dimapur, Nagaland nung Mr. N R Zeliang tenüng nung aliba Dag no 64/1053, Periodic Patta no 900 nung area tasazük 00B - 02K - 08L nung aliba ajak aser RCC building.
Boundary:
North - Kibur kimong, South - Approach Road/Cachari Church, East - Namkiewa'er kimong, West - Smti. Llunglung'er kimong.
ANOGO : 22.06.2023 AUTHORIZED OFFICER
TESEM : Dimapur (State Bank of India, SARB Jorhat Branch)



TIR YIMYIM YIMOBILEM (EDITORIAL)

DIMAPUR ROGONÜ, AAMI (JUNE) 23, 2023

District shia züsentetba kaka

Nagaland nunga district shia züsentetba kakabosa tangar danga yoktettsüsa züsentettsü atema center government-ibo Ministry of Commerce and Industry & Invest India kübok Department for Promotion of Industry & Internal Trade (DPITT) ajanga ajungshiba angur. Atangji, district shia nung nisungtem nungdakba tagitarutsü osettem tapu balala yanglutettsü aser tachi-tajemtsüa tapu aika züsentettsü koka lir. Ajisüaka, District shia züsentetba mesüra yanglutetba kaka, One District One Product, sentong yagi nisung shia nem peisasa inyaktetba aser züsentetba ajanga pei pei district tenung tangaria junga metettsüsa inyaktetba. Atangji, Nagaland ama alinük tila süaka district shia tzü mopong aser lisa balala, tesem kar tatsük aser kar temekong, kar lenden aser kar tenem, anungji tesem shiaji ali aser tzü mopong dak apet alu ayimtsüsa akümer. Aji oda, arem nung meyiba süngdonglidong aser ai naroa balala meyrir. Itemji meteta, tang amaji pei aliba tesem nung kechi lu ayim nung tajungba asütsü ta asüba tangatetba agütsüsbaji kanga tongtibang lir. Atangji, India nungsa süaka tangar state-tem nung aliba district-tem den Nagaland medemdangra, Nagaland ajunga agi, alushi agia aser nütsüng yongsük agia tanga state nung aliba district ka shia masütsüa akok. Iba jagi yimten tsütsüa anasatiba asen kidanger Assam nungibo Lok Sabha-i MP 14 yoker aser ano oagi UP nungibo MP 80 yoker saka asen Nagaland nungibo anarongdena ka dang yokteter. Iba jagi asenok alushi aser nütsüng nübo dak aketba tashi indang sayur. Aji oda, India ya alima tulu asünungji linük nung ajak atema latetba sentong aika asenok denbo meputetpsüa akok. Ajisüaka, temulung agüja meranga inyakra nung tangar India nung inyakba ama inyakra, asenok alima tila aser nütsüng apara asüyonga asenoki pei pei district shia nungi tangar dang yoktettsüsa langka tagitarutsü aser tachitajemtsü kakabo adokdaksütettsü. District shia chiyongtsü süli, oset süli tapu kaka adokdaksüttsü sentong yanglua ajungshitepbaji tenung agi 'exhibition' nung tangar dang tera sarudena bener oa sayutsü asoshi masü saka shitakba " par district nungi ya adoker" ta tangari sapua alitsüsa inyaktetba sentong lir. Aji oda, asenok yim, tzükong aser kin shia awazüba, achiajem aser inyaksangshi yimya balala aliba agi pei yimtsüng, pei tzükong aser pei kin tangari metetba ama, asenok district shia pei pei züsentetba aser yanglutetbatem agi tangari asenok jangjatsü. District shia kaka züsentettsüba, ODOP, sentong nung tangari metettsüsa Mokokchung district nung züsentettsübaji Coffee agüja lir. Tetezü, Mokokchung district nung züsentetba aser yanglutetba aika liaka, Mokokchung Coffee ji Mokokchung district nung alirtemi alima nem metetdaksüttsüsa züsentettsüla. Aji oda, Mokokchung nung züsentetba aser yangluba coffee-ji tajung süra Mokokchung tajung asütsü saka mejungra Mokokchung majung asütsü. Joko, Mokokchung Coffee-ji tachitajemtsü dang nungi taoba asenok ayak akümer. Atangji, district ka nung alu ka dang ayimtsü mesüra ocet ka dang yanglutsü ta masü saka Mokokchung district nungisa süngo, somomo aser süngmok ama lu ayimtsü asoshia ajungshir. Item jagi alimai Mokokchung district metettsü aser asenok mera akettsü. Nagaland nung district shia ya Naga nung kin kakati amokbanger lir, anungji district shiai inyaktetba takok aser tamakokji Naga nung kin ka tenung agir. Ajisüaka, asenok asoshiho asen kin dang masü saka junga dang inyakra, Naga nung kin ajak tenung tajung aser tajangzük agitettsüsa Dimapur, Choümukedima aser Niuland district asemprongla ya asen lima Mokokchung district ama bilema asenoki inyaktettsüsa asenok nem Tsüngremi moaja lir. Item district asem nungia asenoki züsentetba aser yanglutetba agi tangari Nagaland metettsüsa asenoki inyaktettsü imlar. Atangji, district shia langka kakabosa züsentettsü aser yanglutettsü merangba sentong ya asenok kibong shia langka kakabosa züsentettsü aser yanglutettsü temulungtetba nung tenzük nung dang takok angutsü.

OLEMSABANG

NÜNGJA ASER TETSÜR LIBALIRU

- P.Renthy Jamir.

(Yashi adok nungi...)

Tang alima nung America China ama tashi tulu limatemia makokba tongpang tulubaji drugs ayokba aser achiba ya lir. Aser iba drugs ya teimba tetsürtemi shibelena ayoker tayokba dang masü yi ajemer aser drugs achir tetsür aika asen lima lir. Indiatsür Actress Rea Chakravorty lai kü taküm nung ni drugs kodanga machir ta ashi. Ano la O katsür lawyerbaia kuli agüja lai achi machi tendangtsü (test) renema lir ta ashi. Saka la drugs achiba aser ayokba atema apu (Procurement and consumption) taküm nung mapa tamajung drugs achiba yi ajemba item tamajung indang jilu aiba agi sen aazüka chiyunga alir. Actress temibo drugs yoka aji machir südi ta bilem. Tanü tetsür aika kiyi or tanur masoba ya yi ajemba drugs achiba ajanga lir. Alima nung Sangro ayanger tajungtiba John Keats arishi küm 26 nung 1821. T.B agi asü. Iba ama shisa takar taküm tapayutsü anojungi asüba ya tetsüi pa tebok nung alidang yi tali ajemba agi pa mapang matongdang (Premature) tashi mait asoba agi tashitak agi yakta menepa asü ta jembir. Naga nung sobaliba nung tetsürtemi nisung lepsetba otsü mangashi saka tanü Nagatsür Ao tsürtemi nisung lepsetba bulua angashir. Konyaktsür Kenya aser pongleh tenati wantok ayongsemer Jotsoma nung Shonglok mashisa aliba den tetsür chanu Anget 18-11-2009 nung tepset. Yamajisa, Mokokchung Mongsembai Ward nunga tetsür kati tebur ka dak aonung 31-8-2013 alepba mozü ki nung asü. Tetsürtemi Tir ta amshiba ya item talep tatsünger aliba agi südi ta bilemer. Tetsür dak taochi mali ta shiogo tetsütem anogobo Khrista Ronem akaba tetsü ta; liasü. Saka Mokokchung Town nungsa 10-12-09 nung tetsü kati tebur kerosen raker arungba temang ajak rungsar mozüki aoba liasü. Kerosin ronem agi khrista ronem melen. Naga Mothers Association majungba agi tetsütemi ULB nung 33% aginü dang Nagalima ajaklen rongrong tulu adok Longleng nung nisung 6 yiru Dimapur nung Bendangnüngsang Ao aser Khriesevizo Metha Angami asü. Aji oda tetsütemi pei jabaso azü tokshitsüsa ambangim mapa tamajung inyak. Pei jabaso zü tokshidakja parnok atema menden 33% mekazüka ayutsü merangba tetsütem dakji taochi temeim lir tabo meshitetsü.

Psychologist Jane Bernet lai tetsür arishi küm 18-60 tashi asadanga bushiba nung tetsür tain rogotemji tebur dang nungi tama ain adoker ta bushitet. Old women angier than men. Shakespeare-i tetsür dak mabensa mejimenu tamashi tashi mait lir ta ashibaji shitak ta kuli ka bener arudi. Nagaland Cabinet Azü shi dog meat bener arua mayoktsü nokdanga (banned) 3-7-2020 ozüng yanglu. Saka NMA-i yabo tim masü ta sangtong. Tetsü telok kati linük nung tangar nüburtemi sempaba menentsü chiyungtsü ka Governmenti nokdang nung iba temzüng anema sangtong agütsüba dangji mabensa tashi mait ta ajar. Ao tsüribo alemli nungi Azü shi machir teburtemia teimbai machir. Tetsür lokti tulutibai Azü shi tashi nung kodsür sangtong agütsür. Anungji Shakespearei ashiba nungja asen Nagatsür Aotsür libaliru nungi jenbua alitsüla ta bilemer. Ni iba ocet züludang India lima osang kakat ajunga nung adokba osang ka agi atemer. 12-6-2023 anepdang tebur mapai or tebuttsü physiotherapist küm 35 Senali Sen lai tetsü küm

71 Biva Pal nem BP tablet 30 chidaktsür imozüa oa alidang lenseta suitcase ka nung enoker Bengaluru Police Station nung oa agutsü. Tetsü yagi anepdanga aonunga tebur tena den asateper. Anungji family peace nung alitsü atema tepset " Like Mother like daughter tetsü mesük jala". Ezekiel- 16:44.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

India nunger Khristan shilem 3-i dang anogo shia yoga beshir



June 21, 2023 nü International Yoga Day anogomong nung Bhopal nung Madhya Narottam Mishra den Bhopal Central Jail nung amongertemi yoga aidang tangokba noksa nung angur.

June 22, 2023: 2015 kum nungi tenzüka kum shia June 21 nü International Day of Yoga amonger; yamaji Bodhbarnüa alima tesem ajaklen iba anogomong mongogo.

Yoga ya yimsü den sendaktepa mali ta aikati ashir ajisüaka Hindu nunger temeshi kakat Bhagavad Gita nung akhidang nungi beshia aruba Yoga indang zülua lir. Sanskrit oshi nung "telongjem" mesüra "yoke" nükjidong ya temang, shisatsü, temelungjang aser tanela longjemdaksütsü atema lir, koba ajanga yoga beshirtemi tesünep angur.

2014 kum Modi leniba nung sorkar akümba sülen nungi sorkari yoga ajungkettsütsü atema inyaka aru, aser tangbo linük 180 dak tema nung nisungtemi yoga beshir.

Tawa Pew Research Center-i survey ka agia liasü aser iba survey nungji India nunger tain 30,000-i shilem agi. Iba survey nung shilem agir nisung ter shia nungi nisung trokibo kodanga yoga mebenshi ta langzü.

Survey nung shilem agirtem shilem 35-i yoga beshir, shilem 22-i ita shia yoga beshir aser shilem 7-i dang anogo shia yoga beshir, ta iba survey ajanga bushitet.

Pew Research Center survey ajanga ashiba agi, India

nunger yoga beshir teimtibaji Hindu nunger masü, kechiyong Hindu nunger nütsüng shilem 36-i dang yoga beshir. India nung Jainism yimsü amangertem shilem 62-i yoga beshir, Sikhs nunger shilem 50, Buddhists nunger shilem 38, Hindu nunger shilem 36, Muslim nunger shilem 29 aser Khristan shilem 24-i yoga beshir.

Khristan shilem 24-i yoga beshiyonga anogo shia yoga beshir Khristantemji shilem 3 dang lir, ta kasa survey report ajanga metetdaksü.

Christianity Today-i Hindu nunger yoga mongin, Pinky Choubey dang, yoga ya exerice dang asü tanela den-a sendaktepa lir, ta asüngdangba langzü dang lai, "Yoga nung tanela densema lir. Nai yoga indang süoki ia beshira ibaji ajanga tanela tsütsüleni anitsü. Iba ya atangji Hindu yimsü den sendaktepa lir," ta ashi.

Christianity Today-isa Khristan lenir kar dang, Khristantemi mebenshitetsüsa yoga ya Hindu den sendaktepa lir asü? ta asüngdang.

Taoba mapang Hindu nunger sadhu aliba nungi tangbo Khristan yimsü agizüker Madhya Pradesh kübok Indore nung pastor inyaker, Jaykar Kristi-i, "Khristantemi yoga mebenshitsüla.

Yoga tetezü telongjem; ibaji

kechi mesüra koba den telongjem?" ta ashi.

Paisa, Yoga tenzüka Anü külemer (Surya Namaskar), iba ya anü külemba lir, ajisüaka Khristantemibo meimchir aser alima yanglusang külemer. Asenoki Tsüngrem matsüngdang dang apudaker," ta ashi.

Gurugram, Haryana nung aliba Caleb International School nung principal, Sunita Howell-i, "Ni asoshiyo yoga ya Hindu nungeri beshiba lir. Yoga beshidang "Om" (akhidang Hindu aser anüdoklen aliba yimsütemi iba ya temeshi ola ta züngshir) ta ola adoker," ta langzü.

Global Spiritual Care Networks & Singles Asia, Bengaluru nung lenir, Leela Manasseh-i, "Yoga ya tekülem shilem ka lir. Yoga beshir Khristantem aika ni meteta lir, aser parnoki Tenüngsang Ken lai zünga yoga beshir. Nibo yoga mebenshir, kechiyong temang tashi aittsü aser anema alitsü atema tanga exercise aika lir," ta ashi.

Mysuru, Karnataka nung retired principal (Khristan), Dorcas Isaac-i, "Ni hopta shia yoga class asem nung adener. Yoga ya scientific aser "Om" ya ola ka dang ta ni metetogo. Tanübo school tem nung yoga ya Hindu yimsü shilem ka ama masü saka physical education ka ama sayur," ta ashi.

ANOGO ABEN TSÜNGREM DEN

Tenüngsang Agütsüba Teinyaksü

T.Ken 113:1-9

"Kibuba tenüng, iba mapang nungi aser teti tatem maka temoatsü süang. Anü dok nungi anü lu tashi Kibuba tenüng sanga alitsü" (t.2,3).

Item tekong yagi asenok teinyaksü indang ashir. Mezüngbuba, asenoki Tsüngrem tenüng asangtsüla. Kodang asenoki Kibuba tenüng asangtsü amadokdir lendong lir ta metettang. Shibai anü adokba tobur tajung mesüra anü aiba tobur tajung, tebur tajung metsü tsüngküm anogo mesüra tobur tajung asükwa tsüngküm yanglu, Pa tenüng mesangi itemji pelaa agizüksü? Asenoki Tsüngrem tenüng asangtsü tetemsü, kechiaser Pai asenok asoshi mapa tulu inyak.

Ano ken züluri anogo ajak nung Tsüngrem tenüng asangtsü ashir, "Anü dak nungi anü lu tashi Kibuba tenüng sanga alitsü" (t.3). Anepdang Pa tenüng sangang. Anogo süidang Pa tenüng sangang. Anüngdang mapa tajung asoshi aser mapa tasak asoshi Pa tenüng sangang. Tia ajak ajanga Pai na repringba asoshi Pa tenüng sangang.

Asenoki ano alima ajunga nung Pa tenüng asangtsüla-anü adok nungi anü lu tashi jajaba ama. Aikati Kibuba memeteti alir, aikati Kibuba Yisu tekümtet mangatet lir. Parnok asoshi kechi inyaksü? Asenok alidak nungi kuli asüba ajanga tenzükdü. Asenoki sarasademdi aser agütsüdi. Missionarytem asen teyari nüngdaker. Tsüngremi osang bener Bendang limai na yoktsü akok. Tsüngrem tenüng sanga pei ataba mapa inyakdi.

Ne nem Pa tenüng asangtsü maongka agütsüba nung ne teinyaksüa dena Tsüngremi ne nem agütsür. Iba kuli nungi na kodanga jena tuo. Nai Pa tenüng asangba agi anogo tepiyong aser alima ajunga süngdakjang. Na anogo shia jajaba nung Kibuba tenüng asangbaji shilem ka kümdaksür asü ?

LGBTQ Khristantem moatsüba atema pastor ka kum ana anentsüogo



Rev. Lee Dong-hwan

June 22, 2023: South Korea nunger Methodist pastor kati benjung ka nung kasa tebur o tebur na mesüra tetsür o tetsür na shi nung medemertem moatsüba atema Arogoi pa mapa nungi kum ana atema anentsüogo.

2020 kum August ita nung South Korea kübok Incheon nung benjung ka nung Rev. Lee Dong-hwan-i LGBTQ Khristantem moaja liasü, anungji pa nem temerenshi agüja tenokdangba aika agütsüogo. Rev. Lee-i Korean Methodist Church (KMC) tenüng nung sayutsüngitsü makok, moatsütsü makok mesüra sarasademtsütsü makok, ta June 20 nü osang a ajanga metetdaksü.

Korean Methodist Church ya US nung amenoka aliba United Methodist Church den affiliate süa lir. 2021 kum tashi nung South Korea nung KMC kübok Arogo 6,659 liasü aser züngsem million 1.2 dak tema liasü.

Arogo maparen balala nungi

nokdangba sülen pai KMC anema Seoul Central District Court nung ken o ka benokogo.

Pai Arogo anema court nung ken o benokba sülen Arogoi maneni Lee nem temerenshi agütsütsü tebilemba lir. Pastor Lee anema temerenshi agütsüyonga pai maneni LGBTQ nisungtem pusemer, ta Arogoi aitsü.

June 8, 2023 nü Arogo kübok Gyeonggi Province branch nungi züngsem troki akümba judicial committee kati, Rev. Lee-i KMC ozüng kakettem- Book of Discipline nung aliba Arrla asem anema inyakogo, ta aija liasü.

Taküm March ita nung KMC nung pastor aser putir 8-i, Lee-i 2020 kum benjung ka nung LGBTQ Khristantem moatsü aser 2021 kum June ita aser 2022 kum July ita nunga Seoul yimti nung LGBTQ benjung nung shilem agia liasü, ta metetdaksüba sülen Arogoi pa nem kum ana atema tenokdangba balala agütsü.

Nigeria kübok Plateau State nung Fulani telok Khristan 15 tepset

June 22, 2023: Tan hopta Nigeria kübok Plateau State nung sorkar ketdangertemi curfew ozüng benoka liasü, ajisüaka Fulani teloki Mangu kübok Bwai yimdak Khristan 15 tepsetogo, ta International Christian Concern (ICC)-i metetdaksü.

County Chairman, Markus Artu-i, tensa aziüoktsü atema Amongnü (June 18) nungi tenzüka curfew ozüng benoker ta sangdonga liasü.

Ita ka tsüngda tang agi tanabenbuba Fulani Muslim teloki curfew ozüng alema inyaker. Taoba ita nunga Mangu anasa Fulani teloki Khristan 40

dak tema tepseta liasü.

June 21 nü ICC den jembidang lendong nungi jenbur kati, "Fulani teloki anogo shia Khristantem tepseter, Bwai yimdak curfew ozüng benokba sülen anogo ana dang lir yasünga (Mongolbar aonung) Khristan 15 tepsetogo," ta metetdaksü.

Tawa Fulani teloki Mangu kübok yim 16 dak tema amak aser iba mapang nungji Khristan aika tepsetba den alu raksatsü aser ki aika rongdoktsüogo.

ICC nungi staff kati Bwai yim semdangtsü merang, ajisüaka Fulani teloki meindok.

Tawa Plateau State governor, Caleb Mutfwang-i

Khristan yimtsüngtem semdanga liasü, aser iba mapang nungji pai, "Ni Tsüngrem dang kü nem tashi agüjang ta sarasademogo. Iba ama tatalokba ama ya Mangu Local Government Area nung kodanga matalokdang. Ajisüaka nüburtem atema lenirtem ama nenok tasü itdaksütsü atema ni yagi aru," ta lemsatapa liasü.

"Kechisa atalokogo, itemji taoksatsüka aser tajashitsüka lir. Ajisüaka parnok asubaji amajok dangbo masütsü. Tsüngrem taochi ajanga asenoki teyari angutsü ta asenoki tamang akatsüla," ta pai Khristantem ajungshia liasü.

AO OSHI ANGAZÜKDAK:
TANÜ ANGAZÜKTSÜBA OJANG



Rashi

(v) prokshia oa, züina ao (migrate, spread out)

* Aor akhidang Chungliyimti nung lir tesem balalai **rashia** ao.

Rata

(v) arentak, bangka (puzzle, confuse)

* Kü kija aremi aotsü kanga **rataa** liasü.

OLONG PAITEP # 6554

1				2				3		4
5		6								
							7			
8										
										9
		10					11			
				12				13		
14										
							15			
16										

TIPLÉN

- 2. Aonungchiyongsüasenba
- 5. Mangyimba mapang
- 7. O tamendakdak
- 8. Pei dak malangba
- 10. Juli
- 12. Sen ayudak
- 14. Tenük agi ajitet
- 15. Tamajung aküm
- 16. Apuso

LANGTSÜNGLEN

- 1. Lenmang
- 2. Aor kidong ka tenüng
- 3. Tenarong maten
- 4. A ___ g
- 6. Mopung apodoka
- 9. Tongtipang tagitsü
- 10. Menungra bilem
- 11. Aiür
- 13. S ___ k
- 14. T ___ r

OLONG PAITEP # 6553 TELANGZÜBA

TIPLÉN :

- 1. Yiar, 3. Tesola, 7. Yimra,
- 8. Tangar, 9. Peria, 10. Tanur,
- 11. Tasen, 13. Lemjem,
- 15. Tambu, 16. Khuret,
- 17. Sang.

LANGTSÜNGLEN :

- 1. Yimti, 2. Amen, 4. Shiner,
- 5. Alaka, 6. Satan, 9. Putet,
- 10. Tembar, 11. Tatok,
- 12. Amang, 14. Jala.

KHEN SHISADANGDI

**MINISTER ALOKBA MEETINGI
MENUR ARUR:**

Secretary : Sir, na menur dang aruyonga kangasa pelar, anungji meetingji tenzüka odi, Chairmanbai okila jembiang.

Chairman : Honourable Minister, , ajak dang salem metetdaksür. Tanü asenok tamelenshiba lima nung asemteperji mapang ya kangasa tongtipang ta ajaki metettsüla. Mashi- malu mapang nungbo nenok ministertem lokti senden nung jaokdang komaka tali menudir yamaji nenok importance ji shisanger saka tanübo yamaji masü, nisung ajak pei pei mapang nung ilonga asemteperji, anungji na minister asüyonga na ghonda ka agi menurang aruji ni nünem minute metsü agütsür, aser ya sürbo mapang amshi shia yimsü süang ta asen yimden ajanga sangoktsür.

Minister

Alokba : Ok Ok, I am sorry, yasür mapang amshidi noooo!

Lilir : WhatsApp

Assam nung tzümet süng agi nisung lakh 1.2 dak kongshiogo



Guwahati, Aami/June 22 (Agencies): Assam nung tzümet süng tensa Brehostibarnü (June 22) tamajungba kümogo, kechiyong state nung tzümet süng agi kongshir nisung lakh 1.2 dak tema kümogo.

Assam kübok tesem balala nung aonung tepeyong tzunglu

aruba ajanga tesem tasen aika atsünga nisung timba dak kongshiogo. Assam kübok district 10 nung tzümet süng agi kongshir nisung lakh 1.2 dak tema jungogo.

India Meteorological Department (IMD)-i Assam atema Brehostibar aser

Hokolbarnü "yellow alert" agütsüogo.

IMD-isa, tarüba anogo ishika tsünga Assam nung tzunglu kanga sashia arutsü ta takzütetogo.

Assam nung tzümet süng agi kongshir aliba district tem rongnung Baksa, Barpeta, Darrang, Dhemaji, Dhubri, Kokrajhar, Lakhimpur, Nalbari, Sonitpur aser Udalguri densema lir.

Assam state disaster management authority (ASDMA)-i ashiba agi, tzümet süng agi Nalbari district district tamajungtiba kongshir lir, kong nisung 45,000 shi timtemdar.

Kasa mapang nung yimtsüng 780 shi tzü agi metsüngogo, ta ASDMA-i ashi.

Tang tashi nung Assam nung ali hectare 10,591.85 nung tsünüsenpongtsü yoka aliba tzümet süng agi raksatsüogo.

Manipur nung Army ana yirutsü

Imphal, Aami/June 22 (Agencies): Manipur nung mejangjaba nisungtemi army dak injang khaloktsüba sülen sepai ana tashi yiruogo.

Iba lendong ya Brehostibar anepadang 5:00 ako shi nung Manipur, Imphal West district kübok North Boljang tesem nung ataloka liasü.

Iba osang ya Indian Army, Spear Corps (III Corps)-i jangjatsüogo.

"Mejangjaba nisungtemi June

22 nü Imphal West district kübok N Boljang tesem nung injang khaloktsü," ta Spear Corps-i ashi.

Takoksa tali majurutsü atema Army-i meyiper injang khalokja liasü.

"Sepai ana terara yiruogo ajisüaka tema tajungba lir," ta Army-i ashi.

Lendong ataloba sülen iba tesem nung sepaitemi INSAS machine gun ka nguteta liasü.

"Iba tesemi sepai talila yokogo aser meita ao

tenzüko," ta Army-i shisem.

Kasa mapang nung Bodhbarnüa Manipur, Bishnupur district kübok Kwakta tesem nung SUV ka telung nung inoka improvised explosive device (IED) ka apokba sülen tanur ana densema nisung asem tashi yirua liasü.

Kwakta ya Muslim nunger timba aliba tesem ka lir, koba Kuki nunger timba aliba Churachandpur district nung km 5 shi pilar lir.

Apatanii nungeri Rijiju-i ayongba sentong nung shilem magi

Ziro, Aami/June 22 (Agencies): Apatani nungeri Ziro nung Union Minister for Earth and Science Kiren Rijiju-i ayongzükba yoga anogo sentong nung shilem magi. Parnok district administration-i jaok ajisüaka shilem magi.

Bodhbarnü Sikhe awatsüng kümbang nung agiba iba yoga sentong nung tejaokertem rongnung Rijiju-a densema liasü. Hapoli Ziro assembly constituency delimitation atema jenjang magiba atema nüburtemi Rijiju dang mepelaba sayua liasü.

Parnoki 1984 küm nungi menden timba kümstsü atema khangha arudar.

Lokti tentet tongtibang Tani Sukun Dupun (TSD) aser parnok indang youth wing Apatani Youth Association (AYA), Apatani Women Welfare, Ziro (AWW) aser Apatani Students Union (ASU) nungerii union minister indang sentong nung shilem magitsü atema telemtetba agia liasü.

Bodhbarnü Hapoli, Ziro nung lanurtemi wako tanak amer yimyim ayima longkak ait aser Rijiju dang Ziro nungi meyipa aotsü shia liasü.

Mongolbarnü Apatani Youth Association tir Taku Chatung-i

osangbenertem dang ashiba agi, Rijiju-i delimitation dak sendakba nung tenangzükba mataloktsüba atema par kin-i pa indang sentong nung shilem magitsü atema telemtetba agiogo.

"Delimitation asoshi akhangba Kiren Rijiju-i nongita meyariba atema Apatani nungertem mepelar. Onoki 1980s nungi Ziro nung assembly segments ana agütsütsü asoshi khangha arudar ajisüaka yimden yimsüsüba tsütsü onok nem onok temeden magütsür," ta Chatung-i ashi.

"2001 population census dak ajemdaker Delimitation commissions ana tentetsüogo, ajisüaka pai kecha teyari magütsür. Onoki pai teyari agütsütsü imla liasü, kechiyong onoki pa 2004 küm nungi shima arudar," ta paisa shisem.

ASU tir Pura Nado-ia pa mepelaba lemsatepogo. "Onok ken o benoktsü atema onoki pa Delhi-i yok. Pai minyaktetra onoki tanga candidate ka shimtsü.

"Pa tesüsa Ziro-i aruba mapang delimitation dak sendakba nung jenjang tapet agitsü pai nangzükba liasü. Pa kechiba tanü Ziro-i aru," ta Nado-i ashi.

Kasa mapang nung Rijiju-i ashiba agi delimitation ken o ya tejangja lir. "State sorkari 2008 küm Arunachal nung delimitation magitsü ta telemtetba agi. Congress sorkar aliba mapang 2026 sülenang delimitation agitsü ta telemtetba agia liasü," ta pai ashi. Paisa, ken o ka benoka lira pai Ziro assembly segment nung menden talila kümdaktsütsü asoshi paia pusemstsü, ta ashi.

Standing Delimitation Committee (SDC)-i Rijiju-i jembiba aitsüogo aser ashiba agi pai ken o nungi jembotsü meranger.

"People's Representatives Act of 1950, Section 8 A kübok Delimitation ya 2002 Delimitation Act (based on Census 2001) dak ajemdaker inyaktsüla. Pai tanga party ka dak tai tongloksütsü meranger koba state aser Ziro nung aliba nüburttem anisatsü merangba ka lir. Tangbo Arunachal aser Ziro nung alirtem mashiokdaksütsü," ta SDC-i ashi.

"2026 dak atemer Delimitation mebenokba ya khenyongi tai aser iba yagi nüburttem anisar. Delimitation Act 2002 kübok NE state 4 nung Delimitation agitsü nungdaker aser Assam nung tang tagidak lir," ta SDC-isa ashi.

**GOVERNMENT OF NAGALAND
DIRECTORATE OF EMPLOYMENT, SKILL DEVELOPMENT & ENTREPRENEURSHIP
NAGALAND: KOHIMA
ADVERTISEMENT**

Dated, Kohima, the June, 2023

NO.DET-7/44/09: As per the approval of the Government of Nagaland Vide Letter NO.EMP-2/346/2022 dated 28/03/2023, applications are hereby invited from bonafide indigenous inhabitants of Nagaland for filling up 4(four) post of Driver under the Department of Employment, Skill Development & Entrepreneurship, Nagaland, Kohima. This is issued with the clearance accorded by the P&AR Department Vide U.O No. 1304 dated 01/03/2023 and the concurrence of the Finance Department.

Sl. No	Name of the Post	Number of Post	Pay Matrix
1.	Driver	4 (four)	Level -3

Eligibility Criteria

- Educational Qualification required will be Class 8 passed to 12 Standard.
- Age limit shall be minimum 21 years & maximum 35 years. Age relaxation if applicable would be as Government laid down policy.
- Documents required (mandatory)
 - Educational qualification certificate (Class VIII to XII).
 - Schedule Tribe Certificate.
 - Indigenous Inhabitants Certificate.
 - Backward Tribe Certificate (if applicable).
 - Driving license.
 - Aadhar card.
 - "No objection Certificate" (NOC) from Head of Department with name and Official Seal, indicating the date of initial appointment of the candidate (if applicable).
 - Employment Exchange Registration Card.
 - 3 (Three) Passport size Photos.
- 1 (one) post shall be reserved for backward tribe (Konyak) as per the existing roster policy of State Government and as notified by the P&AR Department.
- 5 (five) years driving experience preferred.
- Application form can be obtained from the Directorate of Employment, Skill Development & Entrepreneurship, Nagaland, Kohima w.e.f the date of publication of the Advertisement, during office hours (10:00 hrs to 16:00 hrs) on payment **Rs. 200/-** (Rupees Two Hundred) in cash as examination fee.
- Those who have already submitted applications before the notification of the advertisement are directed to resubmit fresh in a prescribed format.
- Mode of selection shall be through Driving Test and Personality Test.
- After due scrutiny of all relevant documents by the Department eligible candidates shall be inform of the date of Driving Test & Personality Test and the same will be notified in the Directorate's Notice Board.
- Last date of submission of application forms will be **7(seven) days** from the date of publication of the Advertisement in the local dailies.
- Application received after last date will not be entertained.

Sd/-
KOVIMEYASE (NCS)
Additional Secretary, & Ex-Officio Director

ELITE Skill Development Centre

Lakeview Dimapur : Nagaland

Admission going on for the following courses -

General Patient Care	10th Passed	2 years
Patient Care Assistant / Home Health Aide	8th Passed	1 year

TRAINING will start from 26th June



Office of the
AO SENDEN LITERATURE BOARD (ASLB)
MOKOKCHUNG - 798 601, NAGALAND

SANGDONG

Dated : 22/06/2023

Ao Senden Literature Board-i achaayanga agiba Arangtet Tatidang 2023 mezüngbubaren, Chiteni 6-8 anogotem nung agitsü. Tatidang agütsütsüba tesemtem office-i jelia metetdaksütsü.

Sd/-
Rev. Prof. Rongsen Longkumer
Convener, ASLB/AC

Sd/-
I. Temjen Tzüdir
Secretary, ASLB/AC

Ukraine-i Crimea leni aoba Chonhar apu poksatsü: Russia

Moscow, Aami/June 22 (Agencies): Ukraine-i long-range British missiles amshia souther Ukraine aser Crimean peninsula sendaktepba apu ka amak, ta Russian ketdangsur temi ashi.

Chonhar apu anaprong raksatsü saka shinga meyiru, ta occupied Kherson nung Russia-i shimba governor Vladimir Saldo-i ashi.

Iba apu raksatsüba nung London totuyuba nung British Storm Shadow missiles amshi amai lir, ta pai ashi.

Crimea nungi Ukraine south tsütsü raraba tesemi aotsü atema iba apu ya lenmang tatsütiba lir.

Ibai Russia nunger kübok aliba Melitopol yimti den tesendaktep tongtipang ka lir, koba southern Ukraine nungi Crimea tsütsü Russia den arütsü nung lir.

Vladimir Saldo-i social media nung noksa tem lemsatepba nung apu ana rongnung ka nung tapok keta aliba sayua liasü, saka pai kanga kera yanglushitsü aser khen atema gari tem danga lenmang nung jaja atatsü, ta pai ashi.

Russia-i iba apu ya amshia Crimea leni aor, aser Melitopol ya Ukraine-i meyiper amakba rongnung target ka amai bilemer.

Russian sepaitemi Crimean peninsula ya Ukraine nungi 2014 kum rakzük aser taoba kum February ita parnoki Ukraine south tsütsü tzükum len aliba tesemtem amak.

Taoba kum tatemlen Ukraine-i Dnipro ayong north tsütsü Kherson region tanaben rakzük. Iba ayong nung aliba Kakhovka

dam ya ita tetenzüklen raksatsü, aser ibaji ajanga Ukraine nungeri Dnipro alema oa raratsü tasakba kumdaksür. Iba tzünokdang ya Russia nungeri raksatsü südi ta temolung melemi lir.

Ukraine nungeri meyiper raraba nung terenlok kanga kerabo malir aser tang tashinung parnoki yimtsüng ti ang tanaben agiogo ta ashir.

Russian sepaitemi tanen makai Ukraine nunger yimitem amaker aser item rongnung Tir Volodymyr Zelensky'er ki aliba Kryvyih Rih yimti aser south tsütsü rongnendak Odesa yimti densema amaker.

Taoba kum Russia-i tashi ajak amshia amakdang rakzükba Zaporizhzhia nuclear plant nung kiralongrar temi amakba ama Russia-i amaksü sentong yangluba itdangiter tem nungi osang arua lir, ta Tir Zelensky-i Ukraine nunger dang Brestostibarnü ashi.

Iba plant ya Europe nung tulutiba lir aser iba nuclear plant nungi radiation adokba ya mazüoktettsü, ta Zelensky-i tekumdangtsü ashi. Saka Kremlin-i idangjisa pai jembiba ya 'ano tiazü ka' ta ashi.

Iba plant nung reactors trok aliba ajanga shibanger liaka, yangji lendong timtem tulu lir, ta UN indang atomic energy agency ajanga Bodhbarnü metetdaksü.

Reactors mokongdangtsütsü amshiba tzü lenmang tem Kakhovka dan raksatsüba sülen ajema kumogo aser iba plant temeket nung tensa tali tamajungba akumer, ta UN agency ajanga ashi.

China nung restaurant ka nung nisung 31 pokset



Yinchuan, Aami/June 22 (Agencies): China northwest tsütsü barbecue restaurant ka poksaba sülen nisung toku puogo, kong nisung 31 asü.

Bodhbar aonung Yinchuan yimti nung iba lendong ya gas leak asüba mechi atalok südi ta temolung melemi lir.

Tir Xi Jinping-i timtem ajurua alirtem kumzüksü aser bushisüngdangtsü metetdaksüogo. Pua alirtem rongnung Fuyang Barbecue Restaurant dena lir, ta state media ajanga ashi.

China nung anogo asem Dragon Boat Festival tenzüksü lia iba lendong ya ataloker, kong kibong aika aser medemer tem benjong chiyongtsü adenshir.

Asürtem rongnung high school nung azünger kaketshir aser mapa nungi anisüngzüka alirtem dena lir, ta osang ajanga ashi.

Asürtem ya timba akumtsü imla lir, kong nisung tenet yiru aser ka takum kumzüksü teimla kangabo mali, ta Xinhua news agency ajanga ashi.

Tir Xi Jinping-i yirur alirtem tajungtiba nung anepalutsü aser

lendong nungi jenbuttsü mera agitsü ayongzük.

"Yirur alirtem kumzüksü asenoki tajungtiba inyaksüla aser asürtem tamang mesamadaksütsüla, akok tashi tekeraba nung lendong atalokba jangjatsüla aser ozüng agi mela aliba ama aibeneler nem temerenshi agütsütsü," ta Jinping-i ashi.

Ningxia autonomous region indang yimtiba Yinchuan nung achi-ajemba aser südoksünema kazüba tesem telong tenteta aliba nung iba restaurant ya ka lir.

State broadcaster CCTV ajanga video prokshiba nung firefighter ter dak tema arua iba restaurant nung mi remseptsü meranga liasü. Aina tejaksa aser jana agi yimtung menena liasü.

Iba lendong atalokba tesemi fire and rescue services ajanga nisung 100 dak tema aser gari 20 yoka liasü, ta Ministry of Emergency Management ajanga ashi. Iba lendong ajurua alirtem kumzükba maparen ya Brestostibarnep 4:00 ako tashi inyaka liasü.

Fire department ajanga

bushisüngdangba nung lendong ataloktsü ghonda ka jakdang restaurant nung inyaker kati gas leak asüba menema liasü, ta bushitet.

Pai iba sülen liquefied gas tank nung valve ka raksar aliba angu aser aji melentsü merangba mapang lendong ya atalok, ta osang ajanga ashi.

Myanmar den inyakangshitsü atema bilemshitsüla: Andrews



Jakarta, Aami/June 22 (Agencies): Alima-i Myanmar nung mebetmesü adoker aliba bentettsü atema inyaksangshi asadangshitsü nungdaker, ta United Nations expert kati ashi.

Myanmar nung human rights dak sendakba nung United Nations Special Rapporteur Thomas Andrews-i Jakarta nung osangbenertem dang

ashiba agi, yimjung atema Association of Southeast Asian Nations (ASEAN)-i benokba onük pongu ya benoka inyaksangshi mesüteter, koba Myanmar military lenir General Min Aung Hlaing den 2021 kum parnoki February ita sorkar atsüngtokba sülen yangluba lir.

ASEAN-i onük pongu benokba nung, azütokshi

anentsü, meimchir temeden dak sendakba nung lenmang sadema lapoktsütsü aser yimjung benokshitsü atema lokti ajak anisemer sensak asemtsüba densema lir, saka military-i item onüktem benoka inyaksü atema kecha mulunga maliba sayuogo.

Sorkar atsüngba sülen military sorkari parnok anemertem atsüngtoktsü atema jenjang tesashiba agi tenzükogo, koba rara dang aibelenba ka asütsü. Nisung million 1.5 dak tema pei ki toktsür jenshiogo, ta UN-i ashi.

Maneni military aser People's Defence Forces na tsüngda raratepba arudar, shirnok telungpurtem den longjemer inyaksangshir.

(Maneni tapak 8 nung...)

Wrestling Federation of India (WFI) elections July 11 nü agitsü

Aami/June 22, 2023 (Agencies): Wrestling Federation of India (WFI) election agitsü atema shimtsüba ad hoc committee-i election agitsüba anogo ya anogo pongu agi thinentsüogo, ta committee mendenbuba Bhupender Singh Bajwa-i metetdaksü. Election ya July 6 nü agitsü liasü saka July 11-i belenogo.

State units 10-i Bodhbarnü ken o balala aliba lemsatepba sülen anogo thinenogo. Bodhbarnü ya electoral college tentetsü atema state association temi parnok indang nominations yoktsü asoshi tatembangbuba anogo liasü. Electoral college atema nomination yoktsü asoshi tatembangbuba anogoji June 25 kümtüsügo.

"Ken o balala dak sendakba

Assam densema liasü. Item state tem yagi parnok teblemstü IOA dangi benogo aser Returning Officer Justice Mahesh Mittal Kumar dang temulung masü aliba unit tem teblemba angadangtsü asüngdangogo.

Züngtoker aliba unit tem den senden ya IOA office nung nikongtsütsü 3:00 ako nung tenzük aser ghonda asem shi mena liasü.

Kasa mapang nung electoral college renema sangdongtsüba anogo June 22 nungi June 28-i belenogo.

Ad hoc panel-isa, Asian Games trials atema Bodhbarnü telemtetba agitsü liasü, ajisiüaka election dak sendakba ken o tem sensak asem dang mapang aika intokba ajanga sensak mesemet.

Assam densema liasü. Item state tem yagi parnok teblemstü IOA dangi benogo aser Returning Officer Justice Mahesh Mittal Kumar dang temulung masü aliba unit tem teblemba angadangtsü asüngdangogo.

Züngtoker aliba unit tem den senden ya IOA office nung nikongtsütsü 3:00 ako nung tenzük aser ghonda asem shi mena liasü.

Kasa mapang nung electoral college renema sangdongtsüba anogo June 22 nungi June 28-i belenogo.

Ad hoc panel-isa, Asian Games trials atema Bodhbarnü telemtetba agitsü liasü, ajisiüaka election dak sendakba ken o tem sensak asem dang mapang aika intokba ajanga sensak mesemet.

Pakistan den asaya nung Igor Stimac nem red card agitsü



Bengaluru, Aami/June 22 (Agencies): SAFF Championship nung India aser Pakistan na asayaba mapang India head coach Igor Stimac nem red card ka agitsü ajisiüaka pai ashiba agi, telemtetba shitak magütsüba anema pai pa asayartem kümzüksü asoshibo tanaben inyaksü.

Sree Kanteerava Stadium nung Bodhbarnü asayaba mapang Pakistan nung asayar ka minprongba atema Stimac nem red card agitsü.

"Football ya tekolok shistsü ajak bendanga agitsüba asaya ka lir talisa linük asoshi asayaba mapang taliba bendanga agitsü

asayar. Yashi kü inyakyim ajanga nenok kari ne sempatsü akok mesüra meimtsü akok, ajisiüaka asayaba mapang telemtetba shitak magütsür ni kü asayartem kümzüksü asoshi ano tanaben inyaksü," ta Stimac-i tweet asü.

Iba asaya nung asaya mezüngbuba shilem nung Sunil Chhetri-i goal ana idaksür India tejkdang aliba mapang Pakistan nung asayar Abdullah Iqbal-i out throw asütsü aliba mapang Stimac-i pa ket nungi ball rakzüksü merang aser iba ajanga Pakistan nung asayartem aser coach temi mepelai pa anema jenjang agi.

Referee Prajwal Chhetri aser tanga asaya ketdangsurtemi mangatettep adoker aliba ya bendanga liasü.

Mepetmesü azüokba sülen referee Chhetri-i temzüng ozüng dak ajemdaker Stimac nem red card agitsü.

Iba ajanga pai asaya achaayang mesüteti aküm aser Mahesh Gawli-i team achaayanga liasü.

Kasa mapang nung iba mepetmesü nung shilem agiba atema team anaprongla nungi asayar kar nem yellow cards agüja liasü.

Iba asaya ya India team-i goal 4-0 agi koka liasü.

Myanmar den inyakangshitsü atema...

Myanmar nung tang tashi nung nisung 3,679 shi tepsetogo aser nisung meyirejang aika tepuokdaki yokogo, ta local monitoring telok kati ashi.

Andrews-i iba olen ya Indonesia semdangba mapang ashi shirnok tang ASEAN mendenbuba lir. Myanmar den koda inyaksangshitsü iba dak sendakba nung ASEAN züngsem 10 tsüngda mangatettep adoker

lir aser military den sensaksemshitsü atema Thailand sorkari hombarnü sensaksem ka ayongzüka agiogo.

Iba senden nung Malaysia aser Indonesia nati shilem magi aser kasa mapang nung iba amala sensaksem ya ayongzüka agitsü atema mapang matong ta Singapore-i ashi.

Andrews-i ashiba agi, ASEAN-i temaba jenjang nung

(Tapak 7 nungi...)

amenba diplomatic sendentem nung shilem agitsü atema Myanmar military züngsemtem mejaoktsüla, kechiyong iba ajanga parnoki sorkar atsüngba ya shitak ama küm daksütsü.

Myanmar general temi onük pongu agitsüba benoka inyaksangshi masüba sülen ASEAN-i parnok nem tenokdangba agitsü. Myanmar ya iba telok nung 1997 küm aden.

Toni Kroos aser Real Madrid na tenangzüktepba yanglushiogo



Aami/June 22, 2023 (Agencies): Real Madrid-i Bodhbarnü sangdong ka ajanga Germany nung midfielder Toni Kroos den küm ka atema tenangzüktepba yanglushioba metetdaksüogo. Pa club nungi 2024 küm June ita tashi asayatsü.

"Real Madrid C.F. aser Toni Kroos nati asayar indang contract atsülangshitsü atema mulungtepogo aser iba ajanga pa club nungi 2023 küm June 30 nü tashi asayatsü," ta club sangdong ajanga metetdaksü.

Iba tenangzüktepba yangluba sülen arishi küm 33 tain Kroos ya Real nungi season 10buba asayatsü lir.

Germany nung asayar shiba international asaya nungi 2021 küm anenogo pa Madrid nungi 417 ben asayaogo.

Kroos ya 2014 küm Bayern Munich nungi Real Madrid-i aru. Pai club nungi 417 ben

asaya-a pa asaya timtiba nung asayaba asayar kümogo aser iba mapang pai Champions League pezü aser La Liga asem kokogo.

Saudi Arabia-i pa alizüktsü merangba ajanga Kroos-i club den tenangzüktepba meyanglushitsü ta bilema liasü saka pai club nungisa asayatsü telemtetba agiogo.

Ajisiüaka taruba season pa shilem ajemshitsü akok, kechiyong club-i euro million 103 agi Jude Bellingham alizükogo. Gareth Bale (2013) aser Eden Hazard (2019) na sülen tang club-i Bellingham ya euro million 100 dak tema agi alizükogo.

Real Madrid nung mid-field nung asayatsüpurtem Spain nung Fede Valverde aser France nung asayar Aurelien Tchouameni aser Eduardo Camavinga nung densema lir.

Taipei Open: HS Prannoy quarterfinals-i iogo



Aami/June 22, 2023 (Agencies): India nung badminton asayar HS Prannoy-i Bresthostibarnü Indonesia nung asayar Tommy Sugiarto straight-game nung koka tang asaya aliba Taipei Open quarterfinal-i iogo.

Prannoy ya linük nung tebur kija asayartem rongnungi ajak dang temaba jenjang nung lir aser pai iba asaya nung taoba mapang world championship bronze medallist Sugiarto 21-9, 21-17 agi koka liasü.

World number nine asayar ya taruba asaya Hong Kong nung fifth seed asayar Angus Ng Ka Long den asayatsü.

Prannoy, shibai taoba ita Malaysia Masters Super 300 title benogo, pa tawa kanga junga asaya arudar. Taoba hopta Indonesia Open nunga pai kanga junga asayaogo aser semifinal tonga liasü, ajisiüaka pa world No.1 asayar Viktor Axelsen-i tsükdaksü.

Iba tetoktepba nung India nung asayartem rongnungi Prannoy kija anunga lir.

Kasa asayamung nung taoba Commonwealth Games medallist Parupalli Kashyap 16-21 17-21 agi Su Li Yang-i tsükdaksü.

Maneni tarep temeyoktep asaya nung Sikki Reddy aser Rohan Kapoor nata tsükogo.

Tena ya Taipei nung tarep Chiu Hsiang Chieh aser Lin Xiao Min nati 13-21 18-21 agi koka liasü.

Maneni tetsür kija asaya nung Tanya Kamath-a World Championship aser Olympic silver medallist Tai Tzu Ying-i 11-21 6-21 agi ayong ayonga kokogo.

BILEMDANGANG

"Akanng tembar kuliji o agi masü saka mapa agi sayur."